



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

V. Nobilitas rusticanos caedit.

urn:nbn:de:hbz:466:1-10880

II. plura diximus) fuit oratio, ex aliorum scriptis à nobis excerpta. Sic vero credulum vulgus Munckerus dementaverat, ut quo vellet, eos facile inclinaret, ut qui ab ipsis pro vate cœlitus ad depellendam ab ipsorum cervicibus servitatem misso, à plerisque haberetur.

V. Dun ita Munckerus cum suis securè agit, Nobilitas arma capit, & seditiones passim invadit, variò rerum successu, qui iam plerique tandem vieti ac profigati, aut in prælio occubuerunt, aut carnificis manu interempti sunt. Horribilissimum admodum primo Munckerianorum, deinde reliquorum passim tumultuantū strages fuit edita. Quidam ad ducenta fere istorum hominum, nec pedibus ad fugiendum, nec manibus ad pugnandum instructorum, millia varijs cladi bus absumpia prodiderunt, victorum tandem quoque ira in misericordiam vertente. Et profecto excors sit qui aut de vulgo constantiam, aut ab effeminatis & imbellibus victoriā sibi promittat. Seditionis huius scintillæ ad Franciæ usque limites evolauunt, sed à Lotharingiæ Duce non sine multorum cædē nempe 18000 rusticorum mature extincta sunt. Ecce tibi primos Lutheranæ doctrinæ fructus, à Petro Godalio quaque libris prolixè descripsos: Ecce Apocalypticas Locustas similes e quis paratis in prælium, & super capita eorum coronas libertatis & independentiæ &c. quæ breviter tantum attingere volui, instituti mei memor. Neque, opinor, agre feret Lector, in aliud locum eadem à me differri. His enim si hoc loco recensendis diutius immorari velim, neque citra horrorem illud facturus, & libri prolixitate Lectori fastidium sim allatus. Quare ad ea quæ plurima mihi dicenda reltant, me accingo; quanto plus, & quidem difficilis admodum itineris, reliquum est, tanto incitationi passu progressurus.

VI. Adhuc malorum cumulum complures deinde alia miseria & calamitates accesserunt. O quanta Dei est potentia! quam gravis ipsis est manus! Felix ille, qui sub divina & æterna providentiæ alas se recipiens, spei sua anchoram ibi iacit quod nulla rerū mundanarum tempestas aut calamitas pertingere potest! Misera quidem Germania, quam primum schismati favere cœpit, præsentem statim divini auminis ultionem sensit. Primo enim toris septem annis acerbissima eam famæ affixit: deinde novum morbi haec tenus incogniti genus eam invasit, & brevissimo temporis spacio incredibilem hominum multitudinem ab-

sumpsit. Vulgo, nescio quam ob causam, sudor Anglicus morbus hic dicebatur, eò fortassis quod prius schismatis auctor ex Anglia prodierit, quod dein de scriptis eius in Bohemiam illatis valde fuit auctum; ac tandem à Lutherò per universam Germaniam propagatum, qui Saxonum auxilio Ecclesiæ oppugnare tanto facilis sibi putabat, quod ab Hussitis & viribus & numero inferioribus iam oppugnata esset, ac contagio, quæ pene quod reliquum erat mortalium depasta fuit. Itaque omnia elementa in hominum perniciem coniurassivabantur. Cœlum enim multa ac crebra lugubria signa ac prodiga ostenderat: & Mare limites à Naturæ sibi policos egressum, & vicina longè latèque inundans, ingentem hominum dederat stragem. Illud à nonnullis observatum, & à sancto quodam homine dictum est, nullam umquam eluvionem aut terræ motum existisse quin singulare aliquid portenderint. Illo vero tempore quo prima coniurationis ac seditionis, quæque eas consequuta sunt malorum semina spargi cœperunt, quod fuit Anno M.D.XXIV. & sequenti, admirabiles plane atque inusitatæ à Mathematicis notati sunt Planetarum postus atque aspectus, & impendentes miserias ac calamitates prædictæ. Viginti illæ coniunctiones, de quibus dixi capite secundo mense Februario factæ sunt: de quibus sedecim in signo Aequinoctiali contingunt, omnibus Planetis cum Sole in signo bicorporeo coniunctis: ex quibus proculdubio (si modo quidquam Astrologorum prædictionibus tribuendum est) religionis mutatio, ut post omnes Astrologos ego quoque supra notavi, fuit præsignificata. Tanto vero coniunctiones illæ viginti magis sunt admirabiles, quod numquam eodem mense contigisse reperiuntur. Planetarum enim periodi tam inter se diversæ sunt, quum unus tringinta, alijs duodecim, alijs uno anno, alijs etiam viginti octo diebus cursum suum absolvant, ut tam multæ unum in mensis coincidentes coniunctiones summa admiratione dignæ merito videantur, quas quidem Lutherò & reliquis schismaticis cœlum terræ miscentibus, contigisse iam diximus. Sed & alia non minus mira prodigia, certissimi divinæ iræ contra nos præcones ac nuncij, in cœlis passim conspecti sunt: quibus Lutherus quoque in libello contraduodecim articulos rusticorum Principes terret, & quamvis pacis studium præ se ferat, crudelissimum bellum comminatur. Is, inquit, est hodie rerum

Ec

f. 4.